

Dapü cu be ün teater ...

Scolars da S-chanf sül palc

Mincha duos ans vöglan ils da la tschinch- e sesevla classa da S-chanf fer ün vledl, e mincha duos ans as mettan els vl dal preparar ün teater.

Schi, a sun els chi invaintan ün'istorgia, las scolaras ed ils scolars da la tschinch- e sesevla classa da S-chanf as vezzan scu teatrists, minchün in sia rolla, la magistra ramassa las idejas e fo landroura – quista vouta ün crimi da nom e da pom! I'l prüm act dominescha il Magliaraps vegliuord e steu team la cumedgia, a do risattas cul schofför, la secretaria devota e las fantschellas chi stöglan accepter tuot las glünas dal patrùn d'chesa. Zieva la posa crescha la tenstun, a riva il mafioso, a riva ün giuven pulit e brav, il public bada: Qualchosa es capito, ma che më? Aint il s-chür ed illa tschiera dal palc vegnan plaun a plaun cuntshaints ils fats e per glivrer il mordraretsh pervi dals drets süll'invenziun dals dets magics chi haun implieu las chaschas, ma eir nudrue la noscha conscienza dal racrun Magliaraps. A la fin, scu in baselgia, vo que glistess oura in bunas.

Saireda cun crimi e clavazin

Ad es sto üna saireda tuot spectela, e que grazcha a püs fats. Il prüm es sgüra il cuntgnieu e'l möd da rapreschantaziun dal crimi. Geniel dad accumpagner las emozions sül palc cul clavazin, impreschiunant las retrospectivas i'l s-chür dal palc, gratageda la cumbinaziun da teater e discuors direct giò dal palc cul public, bella la stüva culs dets magics in tuottas culuors. Ün se-



L'invenziun dals dets magics ho pissero per furori tal teater dals scolars a S-chanf. fotografia: Marco Schwarz

guond aspet es la prestaziun dad Elvira Punchera, ella ho gieu l'ideja, ho fat la redschia ed ho scrit il töch. A nu do be in ögl cha la lingua s'ho adatteda a quella dals scolars – els as saintan dachesa in quella, ma na be que: ils texts sun plain da metafras, peds unics e dits proverbials, a do vasclas buondragiutas, laungias mellavedas, el ho üna memoria scu ün chavagl, chi chi dorma nu clappa peschs, ad haun la fifa ed a sun testards. Ün s-chazi per render viva e bella la lingua!

Il fascinant es pel rapporteder per glivrer quist: A vain bod la pel gillina realisand il plaschair da las acturas ed actuors chi's movaintan sül palc scu schi füssan lo dachesa. Tres oura dad ot e cun vusch inclegiantavla, ed adüna

darcho pitschens gests e pass chi güdan ad incleger la persuna. Il lamantöz culla guitarra davaunt il palc, aunch'ün dals detagls gratagios. Ün pöin da quista fascinaziun as giavüschesch tals scolars eir i'l minchadi a scoula.

Per glivrer duos remarchas. Ad es sto bel cha dafatta il cussagl da scoula ho piglio nota da quist evenimaint ed express sia arcagnuschentscha per la prestaziun (ün cumplimaint al president per sieu rumauntsch). Il rapporteder da quistas lingias stu però cunvgnir ün oter fat. Nus vivains i'l temp da la transparency totela. Ch'el es turno a chesa dal tuottafat satisfat e cun ün taccalin superbglia es eir dad attribuir al fat ch'el ho pudieu assister al gö da steu abiedi.

Romedi Arquint